



Na osnovu člana 47. stav 2. i člana 48. stav 5. Poslovnika o radu Općinskog vijeća Lukavac ("Službeni glasnik Općine Lukavac", broj: 5/06, 2/09 i 5/09), Predsjedavajući Općinskog vijeća Lukavac upućuje

P O Z I V

Za **vanrednu sjednicu** Općinskog vijeća Lukavac, koja će se održati dana **17.10.2018** godine (**srijeda**) sa početkom u **09,00 sati** u Sali Policijske uprave Lukavac i za istu predlaže slijedeći

DNEVNI RED

1. Razmatranje Prijedloga i donošenje Odluke o privremenom obavljanju javnog prijevoza putnika na području općine Lukavac



PREDSJEDAVAJUĆI
OPĆINSKOG VIJEĆA
Mehmed Suljić dipl.ing mašinstva s.r.

1350

Bosna i Hercegovina
Federacija Bosne i Hercegovine
Tuzlanski kanton
OPĆINA LUKAVAC
OPĆINSKI NAČELNIK



Босна и Херцеговина
Федерација Босне и Херцеговине
Тузлански кантон
ОПЋИНА ЛУКАВАЦ
ОПЋИНСКИ НАЧЕЛНИК

Broj: 02-02-1-3018/18.
Lukavac, 11.10.2018. godine

OPĆINSKO VIJEĆE LUKAVAC

Predmet: Zahtjev-dostavlja se-

Poštovani,

Upućujemo Vam zahtjev za održavanja Vanredne sjednice Općinskog vijeća Lukavac za 17.10.2018. godine.

Za ovu sjednicu predlažem dnevni red, kako slijedi:

- Razmatranje i donošenje Odluke o privremenom obavljanju javnog prijevoza putnika na području općine Lukavac.

S poštovanjem,

EH



OPĆINSKI NAČELNIK

Dr.Sci. Edin Delić

Dostaviti:

- Naslovu
- Evidenciji
- Arhivi





Broj: 02-02-1-3018/18
Lukavac, 11.10.2018. godine

PRIJEDLOG

ODLUKA
O PRIVREMENOM OBAVLJANJU JAVNOG PRIJEVOZA NA PODRUČJU OPĆINE LUKAVAC

PREDLAGAČ: Općinski načelnik

OBRAĐIVAČ: Služba za stambeno-komunalne poslove, boračko-invalidsku zaštitu i raseljena lica

RAZMATRA: Općinsko vijeće Lukavac

Na osnovu člana 8., stav (3) alineja 20. Zakona o principima lokalne samouprave u FBiH ("Službene novine FBiH", broj 49/06. i 51/09.), člana 6. i 8. stav (1) tačka b) Zakona o komunalnim djelatnostima ("Službene novine TK", broj 11/05., 7/07., 8/12. i 14/13), člana 30. stav (4) Odluke o obavljanju javnog prijevoza putnika na području općine Lukavac ("Službeni glasnik općine Lukavac", broj 2/11.) i člana 32. Statuta općine Lukavac ("Službeni glasnik općine Lukavac", broj 5/08. i 1/14.), Općinsko vijeće Lukavac na vanrednoj sjednici održanoj 17.10.2018. godine, donosi

ODLUKU

o privremenom obavljanju javnog prijevoza putnika na području općine Lukavac

Član 1.

Ovom Odlukom se kao mjera hitnog otklanjanja posljedica i uspostavljanja komunalne usluge javnog prijevoza putnika, Javnom prijevozniku putnika „TRANS TURIST“ dd Tuzla, privremeno odobrava obavljanje javnog prijevoza putnika na nužnom broju polazaka/povrataka na autobusnim općinskim linijama, kako slijedi:

- Lukavac „AS“ – Lukavac Mjesto 2 – Huskići (voda);
- Fabrika Cementa – Lukavac „AS“ – Koksara – Šikulje (centar) – Prline (voda);
- Lukavac „AS“ – Koksara – Šikulje (centar);
- Lukavac „AS“ – Fabrika Sode – Bokavići (džamija) – Selimovići;
- Lukavac „AS“ – Prokosovići (Aljukići) – Babice – Orahovica;
- Lukavac „AS“ – Puračić „R“ – Turija (škola) – Karići (spomenik);
- Fabrika Cementa – Lukavac „AS“ – Puračić „R“ – Turija (škola) – Karići (spomenik);
- Lukavac „AS“ – Modrac „R“ – Tabaci (veliko raskršće);
- Lukavac „AS“ – Prokosovići (Aljukići) – Babice – Orahovica;
- Lukavac „AS“ – Koksara – Caparde „R“ – Mosorovac – Turija – Panjik (škola);
- Lukavac „AS“ – Poljice Gornje „R“ – Jaruške Gornje.

Član 2.

Privremeno obavljanje javnog prijevoza putnika iz člana 1. ove Odluke obavljat će se do konačnog rješenja ove problematike, a najkasnije do 30.06.2019.godine.

Član 3.

Za realizaciju ove Odluke zadužuje se Služba za komunalno-stambene poslove, boračko-invalidsku zaštitu i raseljena lica općine Lukavac, koja će u saradnji sa javnim prijevoznikom iz člana 1. ove Odluke usaglasiti način obavljanja javnog prijevoza na navedenim autobusnim linijama.

Član 4.

Ova Odluka stupa na snagu danom objavljivanja u "Službenom glasniku općine Lukavac".

PREDSJEDAVAJUĆI
OPĆINSKOG VIJEĆA LUKAVAC

Mehmed Suljić, dipl.ing.maš. s.r

OBRAZLOŽENJE

1. PRAVNI OSNOV

Pravni osnov za donošenje Odluke o privremenom obavljanju javnog prijevoza putnika na području općine Lukavac sadržana je u članu 8., stav (3) alineja 20. Zakona o principima lokalne samouprave u FBiH ("Službene novine FBiH", broj 49/06. i 51/09.), članu 6. i 8. stav (1) tačka b) Zakona o komunalnim djelatnostima ("Službene novine TK", broj 11/05., 7/07., 8/12. i 14/13), članu 30. stav (4) Odluke o obavljanju javnog prijevoza putnika na području općine Lukavac ("Službeni glasnik općine Lukavac", broj 2/11.) i članu 32. Statuta općine Lukavac ("Službeni glasnik općine Lukavac", broj 5/08. i 1/14.).

U članu 8. stav (1) alineja 20. propisano je da je u nadležnosti jedinica lokalne samouprave spade organiziranje i unapređenje lokalnog javnog prijevoza.

Članom 6. stav (1) Zakona o komunalnim djelatnostima propisano je da općina obezbjeđuje obavljanje komunalnih djelatnostima određenih zakonom.

U članu 8. stav (1) tačka b) propisano je da općine obavljanje komunalnih djelatnosti obezbjeđuju povjeravanjem pravnim i fizičkim licima.

U članu 30. stav (4) Odluke o obavljanju javnom prijevozu putnika na području općine Lukavac ("Službeni glasnik općine Lukavac", broj 2/11.) propisano je da u slučaju privremenog prekida općina donosi Odluku o privremenom obavljanju javnog linijskog prevoza sa drugim prevoznikom.

Članom 32. Statuta općine Lukavac ("Službeni glasnik općine Lukavac", broj 5/08. i 1/14.) propisano je da Općinsko vijeće obavlja i druge poslove u skladu sa *zakonom i statutom*.

2. RAZLOZI ZA DONOŠENJE

Razlozi za donošenje ove Odluke sadržani su u činjenici da se javni prijevoznik "GIPS" dd Tuzla obratio sa zahtjevom, broj: 08-27-1-1698/18. od 20.09.2018. godine za brisanje iz Registra redova vožnje naprijed navedenih linija zaključno sa 01.10.2018. godine.

U svom zahtjevu navodi da zahtjev za brisanje redova vožnje podnosi iz razloga nerentabilnosti održavanja ovih linija, zbog čega na mjesečnom nivou ima gubitke u iznosu od 40.000,00 KM.

Brisanjem navedenih redova vožnje najviše su pogođeni učenici, studenti i radnici, koji, zbog ukidanja linija, ne mogu da pohađaju nastavu u školama i na fakultetima, odnosno, da redovno dolaze na posao.

Napominjemo da je na vanrednoj sjednici Općinskog vijeća Lukavac održanoj 27.09.2018. godine usvojena Inicijativa Kluba SDP-a za održavanjem vanredne sjednice Općinskog vijeća Lukavac na kojoj bi se raspravljalo o problematici vazanoj za zahtjev za brisanje iz Registra redova vožnje općine Lukavac velikog broja redova vožnje.

Na Kolegiju Općinskog vijeća održanom 04.10.2018. godine razmatran je Zaključak Općinskog vijeća Lukavac, broj: 01-02-2877-2/18. od 01.10.2018. godine, pri čemu je donesen Zaključak, broj: 01-02-4-150/18. od 04.10.2018. godine, kojim je Kolegij Općinskog vijeća Lukavac dao podršku Općinskom načelniku za rješavanje problematike odvijanja linijskog prijevoza putnika nastalu zbog zahtjeva za brisanje velikog broja redova vožnje, sa konstatacijom da se vanredna sjednica Općinskog vijeća Lukavac zakaže nakon što Načelnik predloži način rješavanja predmetnog pitanja, a koji će biti usaglašen na Kolegiju Općinskog vijeća Lukavac.

U međuvremenu Općinski načelnik je dana, 03.10.2018. godine održao sa predstavnicima "GIPS" dd Tuzla bezuspješan sastanak vezano za rješavanje ovog problema.

Isto tako, održan je veći broj sastanaka sa potencijalnim prevoznicima, predsjednicima mjesnih zajednica u kojima se ne vrši javni prevoz putnika, direktorima osnovnih i srednjih škola sa područja općine Lukavac u cilju prevazilaženja ovog problema.

U postupku rješavanja ovog problema, Općinski načelnik je uputio akt, broj: 02-02-6-332/18. od 05.10.2018. godine, kojim je od firme "ROAD" doo Lukavac zatražena pomoć u prevazilaženju trenutnog stanja.

Isto tako, upućen je akt, broj: 02-02-6-336/18. od 05.10.2018. godine, kojim je od firme "TRANS TURIST" dd Tuzla takođe tražena pomoć.

Aktom, broj: 160-10/18. od 05.10.2018. godine, firma "ROAD" doo Lukavac je općinu Lukavac obavijestila da trenutno nije zainteresovana za angažovanje po pitanju javnog prevoza putnika.

U svom odgovoru, broj: 780/18. od 09.10.2018. godine "TRANS TURIST" dd Tuzla je iskazao spremnost za pomoć za prevazilaženje trenutnog problema na način da svoje slobodne kapacitete privremeno angažuje na nekim polascima općinskih autobusnih linija koje je dosadašnji prijevoznik prestao da održava do ponovnog uspostavljanja javnog linijskog prijevoza putnika na pomenutim linijama.

Na osnovu naprijed navedenih činjenica i okolnosti, ova Služba je izradila Odluku o o privremenom obavljanju javnog prijevoza putnika na području općine Lukavac i istu u formi prijedloga upućuje Općinskom vijeću Lukavac na razmatranje i usvajanje.

DŽH
EH



OPĆINSKI NAČELNIK

Dr.Sci. Edin Delić